



Universitätsbibliothek Paderborn

**Dissertatio Paraenetico Apologetica In Vitam Mirabilem,
& Cœlestes Revelationes Venerabilis Virginis Marinæ De
Escobar Vallisoletanae, Ordinis Sanctimonialium S.
Brigittæ in Hispania Fundatricis**

Tanner, Jan

Neap., 1690

§. 9. Joannis Lanspergii Carthusiani Prologus ad revelationes S. Gertrudis,
editas opera Tilmanni Bredenbachii Sacræ Theologiæ Doctoris

urn:nbn:de:hbz:466:1-41415

65. Reponunt nihilominus, malle se talia legere in viris contemplativis. At re vera vix fidem inveniet. Nam qui orationem mentalem verè adamant, solent magnoperè desiderare, ut subsidia sanctorum cogitationum, inde accipient, qualibus profectò revelationes Sanctorum planè abundant, itaut etsi non veræ revelationes, sed meræ essent pie contemplationes, validè adhuc prodecent. Quin, & longè securius leguntur, quam Rusbrochius, Thaulerus, Suso, Harphius, aliiq; contemplationis magistri, quorum scripta per se intellectu ardua, & imitatu censemur esse periculosa; praeterquamquod quibusdam in locis à rudibus Sciolis sint corrupta.

66. Sed cum ad hæc, & similia, his Venerabilis Marinæ Cœlestibus revelationibus adversatiū tela retundenda, dictas querevelationes Lectoribus commēdandas, nullum sit scutum inexpugnabilius, nec argumentum efficacius, quam Prologus, quem revelationibus S. Gertrudis à se conscriptis, Joannes Lanspergius præfixit: liceat ipsum transcribere, ad omnium obiectionum solutionem indubitatem, & ipsarummet revelationum dignam, quam merentur æstimationem.

§. IX.

*Joannis Lansbergii Cartbusiani Prologus ad
revelationes S. Gertrudis editas opera
Tilmanni Bredenbachii Sacrae
Theologie Doctoris.*

67. **I**N lucem prodicimus librum divinarum revelationum, quod certè genus eruditionis, non debueramus ignorasse haud admodum gratū iis

iis præsertim, qui mundano, humanove spiritu tument, quique litera magis docti sunt, quā spiritu. Adeò enim illis quævis ejusmodi sunt frigida, atque insana videntur, ut non solum ad ea nauseā quādam moveantur; verum etiam hujuscemodi libris, ubi possunt, detrahunt, & quæcumque non intelligunt carpunt: parùm interea considerantes, quod totum ferè vetus Testamentum, revelationes esse fateri cogantur: DEUS non solum varius Scriptores Ecclesiasticos, verum etiam multiformem docendi modum, alia itidem, & alia eruditionis genera, phrasim quoque ac dictionem multiplicem in Ecclesia constituit: Idque in utroque sexu, quo nemini deesset, vel (ut ita dicam) juxta suum genium, unde erudiri, undē illuminari, unde trahi, unde ædificari posset. Quid igitur jam mirum, si hominibus mollioris cordis, ut qui beneficiis, blanditiis, aut amore trahuntur, magis quām præceptorum austeritate, id quod in sexu fœmineo DEO devoto præcipuum est, DEUS loquatur per revelationes. Non inferior quidem pias aliquot Virgines, aut mulieres DEO devotas, ubi sibi ipsis relictæ fuerant, nuquaquam suspicione caruisse: verumtamen, quæcumque fuerunt, suntque hujusmodi, facile deprehenduntur, neque enim diū latere potest fictio præsertim fœminea, si quidem ubicumque profundissimæ humilitatis non fuerit fundamentum, citò quidquid super illo fuerit edificatum, non absq; ignominia ruit. Nō est autem personarum acceptor DEUS, nec sexum à sexu (quem utrumque fecit) discernit, nisi quod infirmiori plerumque ubi humilitas, & devo-tio id meretur, potiora dat dona, ut confundat fortia, sapientesque in suo sensu confutet, quod dona sua sibi (hoc est DEO) ascribenda cognoscantur soli; quandoquidem illiterati, & simplices minus habent, quām ut

ea

ea Scripturæ Sacræ ad unguem sint consentanea , licet difficultia plerumque scribant , & ardua effingere possint. Per quoscumque igitur, vult, loquitur Deus. Hæc aspernari propterea , quod per mulierem DEO revealante insinuentur, nonnè tumidi foret cordis , insolentissimæque superbiæ ? Præsertim cum per se ipsum in scripturis Sanctis eadem (quod dixi) DEUS quoq; ipse nobis revelaverit : licet pro temporum hominumque conditione, hic aliquanto lucidiùs, uberiorusque eorumdem explanatio fiat. Sed quia in sexu fœmineo amantiora, fideliora, puriora, suaviora q; corda viris fortasse etiam Apostolicis , aliquando anteferenda invenit ; ideo benigniorem, quod reor , se illis interdum exhibuit. Unde fit , ut viris alioqui doctissimis , qui ambulant in mirabilibus super se, occupantes magis animū suum curiosis quæstionibus (penè dixeram superstitionis) quām necessariis, aut secretis, quæ scire non oportet, investigandis, aut mundanis literis ediscendis, non tantâ se familiaritatis gratiâ manifestet DEUS, quanta ad eorumdem confutationem potius fœminis, illiteratisque viris DEO devotis illabitur. Quamvis eadem hujusmodi devoutæ personæ (quod congruum est) nihilominus interea pro humilitate virorum Doctorum directioni , semetipsas subiiciant . Ex quarum interrogationibus : ex quarum humilitate illuminata , non parùm (scio) proficiunt sæpe numero Patres , aut Confessores earum bonæ voluntatis , in hoc planè multâ laude digniores timidis , qui busdam sciolis , aut literatis , qui si interrogante præsumentes de se, aut laudanda damnant , aut commendant vituperanda; hoc solo clari, quod sexus infirmioris devotionem rident, nihil pendunt , & quandoq; eorum spiritum impediunt .

EPI-

E P I L O G U S .

68. **H**abet Reverentia vestra pro mea tenuitate expositum, quod pro commendatione, & auxilio Sancto hujus Operis mihi occurrit. Non quidem, prout initio monueram, quod haec omnibus sint ita satisfactura, ut nemo amplius reclamet; sed tamen ita, ut cordatis hominibus sint sufficiens prebitura fundamentum, ne mirabilem hanc Vitam Venerabilis Virginis Marinæ mordeant, nisi prius aliquod admodum grave, & certum adversus eam momentum deprehendant. Cæterum Reverentiæ Vestre ex animo gratulor, quam DEUS elegit ad opus tantæ suæ gloriæ; nec possum quin ominder, specialem quandam Reverentiæ Vestre in Cœlis coronam parari, si quidem, & Reverendo Patri Ludovico de Ponte, ob hanc vitam prima vice digestam, & Hispanicè conscriptam, Divina Majestas magnum in Cœlis præmium promisit, prout ipsem et Pater Ludovicus refert lib. 6. c. 2 r. §. 6.

69. D E U S Optimus Maximus faxit, ut animæ, quam plurimæ ex hoc Reverentiæ Vestre labore, ad quam maximam Sanctitatem proficiant, ejusque Majestati sincerè ex toto corde serviant, ad quam maximum ejus beneplacitum, cuius ineffabilis, & omnia merita, ac demerita vincens Bonitas, præcibus, & meritis Sanctorum sanctorum faciat nos quoque ex Sanctis.

AP-